





= 93746

四夷卷之一百二十九

西

西番

漢稱羗屬唐吐番是也凡百餘種散處河湟洮岷間俗
樸魯上下一心君臣為友吏治無文懷恩重利尊釋信
詛其產金銀銅錫犍牛名馬天鼠皮獨峯駝青稞麥豈
豆羶羊地距松潘四百八十里東北鄰陝西東界四川
雲南二省元世祖始置郡縣以僧八思巴為大寶法王
帝師領之嗣世弟子號司空司徒國公佩金玉印

洪武庚戌秋八月大將軍徐達征西番既拔河州遂遣耿
天壁等招諭番師何瑣南普化兒只汪來等降之時元



卜納玉進命天壁追至阿撒里忙打必失腦兒秃魯干
敗其院使馬密等乘勝同指揮趙琦以兵踰秃魯干等
地擊之卜納玉懼遣太子及馬密等獻印牌請降於是
河州以西朶其思烏思藏等部悉歸癸丑秋令諸酋舉
故官授職遂以攝帝師喃加巴藏為熾盛佛寶國師元
國公南哥思丹八亦監藏等為都指揮同知宣慰使元
帥招討等官分其地設都指揮使司二曰烏思藏曰朶
其指揮使司一曰隴谷宣慰使司三曰朶其曰董不轄
胡曰長沙西魚通寧遠招討使司六曰朶其思曰朶其
隴谷曰朶其丹曰朶其滄溘曰朶其川曰磨兒勘萬戶
府四曰沙兒河曰乃竹曰羅思端曰別思麻又千戶所

十有七以部之仍其俗封番僧為大王曰灌頂國師曰
贊善王曰贊化王曰正覺大乘法王曰如來大寶法王
皆給印章誥命俾領其衆自是襲封不易每入貢給勘
合許其自達云闡化闡教輔教三王貢使自四川入贊
善贊化王自陝西入惟大乘大寶二法王不給勘合貢
無常期惟差僧人入貢今雅州等處皆貢道也每請封
朝廷命大慈恩寺刺麻僧二人充正副使奉誥命及袈
裟僧帽數珠鈴杵等往四川陝西出境 國初平羗將
軍宋晟歷洪武末樂中久鎮西垂陝西諸番畏而服之
積功封西寧侯又將軍丁玉出鎮四川最久威惠並行
夷民安輯以故四川諸番敬信丁大夫昔人云若在邊

疆則邊疆重顧可非其人歟按五王諸僧番簇在四川
界西寧洮岷番簇在陝西界西寧在黃河北洮岷在黃
河南其貢則四川威茂松番金川雜谷達思蠻諸番僧
者三歲一貢貢百人多不過百五十人或歲一貢貢三
十人多不過五十人洮岷番寺歲一貢貢一寺四五人
番簇二年一貢大簇四五人小簇一二人至京餘番塞
上歷宣德迄天順貢嘗請襲如故成化十二年貢使賞
少減十九年西番滿松反侵內地巡撫都御史馬文升
討之斬首八十三級正德初北虜徙居西海蚕食諸番
勢漸吞併識者慮其勾結深入如前代吐番吐谷渾事
當是時虜在西海言官議前代有屯兵青海以絕羗虜

連和內侵者然徵輸調發民力大困正德十年調朔方
勁兵逐勦虜避走松潘旋歸故巢費以萬計竟無成功
嘉靖元年西番反鎮守都督鄭鄉討之不克自是歲入
境殺虜人畜八年洮岷番賊數犯鞏昌焚殺尤甚隴右
騷動舊律邊兵不許擅出境及是尚書王瓊請賊入聽
官軍襲至賊巢勦殺以故番人頗畏之未幾移兵入套
虜防秋番賊得乘虛又大寇臨洮鞏昌等處兵部尚書
李承勛請以西事專責成瓊瓊遂督兵入多勦殺功詳
密威頗行于西域顧夷性非可懷服稍怠輒啓心云鄭
端簡公述史氏之言曰西戎亦能爲中國患從申侯逼
遷西周附隗囂旅拒東漢唐連叶番直入長安宋失熙

河併于西夏為禍不小我以官賞貢市羈縻之西鄙稍
寧正德以後邊防大弛戎心遂啓瓊議欲於洮岷河蘭
間繕城堡遠斥堠廣儲蓄謹備海賊勿使得連西番郎
有侵侮請發精兵駐臨洮鞏昌要害之地拒之斯良策
也

于闐

在葱嶺北二百里即瞿薩曰那國也地最大東西五千
里南北千里漢設都護治之今在肅州西南六千三百
里未樂戊子頭目打魯哇亦不刺遣蒲刺哈撒木丁等
貢玉璞十二年吏部員外郎奉使至其國先是國削弱
鄰國交侵人民皆竄伏山谷間境內蕭索惟火州魯陳

哈失哈力阿力稍有城邑未樂以後西戎奉職貢不敢
相攻始得休息行賈諸番遂富饒俗喜浮屠法好歌舞
人稍知尊卑禮節有中土風其產玉胡錦獨峯駝乳香
硃砂珠珊瑚翡翠木香琥珀花藥布名馬膍肭臍金星
石水銀阿魏安息香鷄舌香葡萄獅子按魯陳國去哈
并人二種回回男子削髮戴小單刺婦女白布裹頭
兀兒男子推髻婦人蒙皂巾垂髻于額但至其國中經
大川破績無水草最難過牛馬過之輒死哈失
哈力宜德間遣十四人來朝貢或曰即阿力馬力

天方

在西海之盡古筠冲也舊名天堂國地多曠漠風景融
和四時皆春田沃稻饒民以安業自不為盜酋長治不
事刑罰亦無科擾男子削髮以布纏頭婦人編髮盤頭

自古置有禮拜寺寺分爲四方方九十間共三百六十間皆白玉爲柱黃其玉爲地中有黑石一片方丈餘曰漢初時天降也寺層次高上如塔狀每見月初生其酋長率其民皆拜天號呼稱揚以爲禮又日落聚爲市蓋日中熱故也產金銀寶石珍珠獅子駱駝祖刺法豹麀馬八尺高名天馬珊瑚犀角宣德七年國王臣深遣沙獮以方物獅子麒麟來貢

拂菻

在嘉峪關外萬餘里東自大食及于闐境達中國洪武辛亥遣其國故民捏古倫賁詔諭之尋遣人來朝貢俗上屋無瓦不尚戰鬪其產金銀珠西錦二年棗馬獨峯

駝巴攬蒲萄

榜葛刺

本忻都州府西天有五印度此即東印度也國最大從蘇門答刺海抵瀾地港是爲抽分之所自港十六站至瑣納兒江有城池街市聚貨通市再行二十站至板獨哇酋長居焉城郭甚嚴其國王殿宇廣高平頂以白灰爲之周圍以磚灰甃砌內門三重九間殿柱皆黃銅包飾雕琢花獸左右長廊內設明甲馬隊千餘外列巨漢明盔明甲執鋒刃弓矢冊墀左右列孔雀翎扇蓋數百又置象隊百數于殿前王正殿高座嵌八寶王箕踞坐其上劔橫於膝王及諸官皆回回人男祝髮白布纏頭

圓領長衣束綵悅躡金綿羊皮靴俗尚信義田豐美一
歲二叔男女勤耕織婦人穿頭衫圍色布絲綿不施脂
粉耳垂寶釧頂掛纓絡髻堆後四腕手足戒指又一種
印度不食牛肉飲食男女不同處夫死不再嫁妻死不
再娶若孤寡無托則同村人輪膳官有印章行移刑答
杖徒流軍有糧陰陽醫卜百工技藝大類中國曆有十
二月無閏產高你布梵羅錦翠羽金繡巾留璃末樂戊
子國王鬻牙思丁遣人朝貢賜王紵絲紗羅各四疋紵
八疋王妃紵絲紗羅各三疋紵六疋九年至太倉命行
人往宴勞之十三年命少監侯顯奉詔勅往諭仍賜王
錦四段綾六十疋頭目人等各有差已而國王蹇弗丁

遣臣把一濟等奉金葉表文貢麒麟正統三年又表貢
論曰今中國佛殿皆金碧耀日而佛像盤坐豈所謂八
寶嵌座而王箕踞者故仍其俗歟

沼納樸兒

在榜葛迤西古天竺國也在印度之中又名金剛座國
乃釋迦得道之所末樂中遣使詔諭國王一不刺金工
遣人來朝貢

默德那

與天方接壤即回回祖國也城池宮室田園市肆大類
江淮間寒暑應候民物繁庶種五穀有陰陽星曆醫藥
音樂諸技藝人俗重殺非同類殺亦不食不食豕肉織

金雕鏤器皿最精巧初國王謨罕慕德生而聖靈臣服
西域諸國諸國尊為別諳拔爾猶華言天使也國中有
佛經三十藏凡三千六百卷書兼篆草西洋諸國並傳
用之隋開皇中國人撒哈八撒阿的幹葛思始傳其教
入中國云其教以事天為本宣德壬子冬十月國王遣
使隨天方使來朝貢論曰嘗觀文獻通考晁氏言佛書
自漢明帝以來至梁武帝華林之集入中國者五千四
百卷曰經曰律曰論謂之三藏以此知開皇傳入為獨
多矣自達磨西來以三藏皆筌蹄不得佛意故直指人
心俾之見性衆尊之為祖雖曰不假文字而弟子錄其
善言往往成書由是禪學興焉吁禪與吾道原不干涉

八答黑商

及其久也中國人既墮其說而又托身為聖人之徒始
有陽儒陰佛而大亂真矣初豈流禍至此哉

國中山川明秀人俗朴實奉佛有浮屠數區壯麗如王
宮西洋西域皆商販于此未樂間遣四十人來朝貢方
物織皮絨罽香木等按會典中又載有南巫里國急蘭
冊國奇刺尼國夏刺比國窟察尼國烏涉刺錫國阿丹
國魯密國彭加那國拾刺齊國八可意國坎巴夷替國
俱未樂年間朝貢云

敏真誠

國亦大未樂中國王遣四十人來朝貢

失刺思

永樂間遣人來朝貢宣德中遣使八人來朝貢又有散馬兒罕國永樂時遣中官以綺幣磁器市馬于此及失刺思諸國

納失者罕

去失刺思數日程俗敬事僧僧所至必飲食之尚氣健鬪永樂中遣使十人來朝貢

阿速

在西海中為大國俗敬佛畏鬼好布施惡爭鬪物產饒氣涼暄適節永樂中遣百十二人來朝貢

北

鞞鞞

自媯州西奚逸東故昔東夷地迤西則鞞鞞也北夷之種在前漢通典蓋謂夏氏之裔曰維淳云周曰穢化漢曰匈奴唐曰突厥自晉劉淵父子始表中國元遂穢有華夏洪武戊申大將軍徐達克元主走應昌是時東北諸胡多從之北遁遺孽王保保賀宗哲間出擾西北境庚戌達及李文忠等襲破應昌執元嫡孫買的里八剌以歸詔免獻俘封崇禮侯太子愛獻識理達臘北走文忠以兵過中興擒其將江唐國公俘三萬七千餘人又至苦脫孫擒平章伯答兒獲馬駝稱是虜庭為之一空是冬賜元主謚順帝愛獻識理達臘稱帝于虜中

平章僧家奴寇雲州辛亥夏六月納哈出寇遼東納哈

本華黎裔孫也是冬華雲龍擒僧家奴獨王保保遁去壬子春

正月達及馮勝李文忠等三道出塞號四十萬兵討王

保保未幾達以餉乏還兵馮勝掃清西路封塞而還三

月李文忠敗王保保于土刺河又遁去四月又敗之於

阿魯渾河十一月納哈出寇遼東十二月上貽書元

幼主蓋云君之子至京已三年禮待有加宜遣使取歸

又書與元臣劉重德朱彥德言至正之君家塵而崩幼

主初立人臣無不叛去獨二生竭力守護今特遣使諭

君令取其子買的里八剌歸二生宜察之母教人絕父

子之道癸丑夏六月虜寇武朔州八月又寇大同是年

孫恭陳德李又忠皆擊虜多捷詳開甲寅秋九月送元

崇禮侯比歸李文忠等伐虜皆有擒斬詳開丙辰秋傅

友德擒元逋臣伯顏帖木兒元故將脫火赤及知院愛

足屯衆和林爲邊患庚申春沐英擒脫火赤獲其全部

以歸是年愛猷識理達臘卒謚昭宗次子脫古思帖木

兒嗣遣平章乃兒不花等寇邊辛酉春達等出塞襲之

大捷時元遺孽兒滌盡惟納哈出未獲先是太祖旣

獲納哈出待之甚厚納哈出居常不樂上令降萬戶

黃疇察其去就納哈出求歸遂遣之有將軍從傍力阻

上曰人臣各念其主况有父母妻子之思納哈出旣歸遂

潛據金山出沒遼東殺掠吏民丁卯征虜大將軍宋國

公馮勝及郭英張龍王弼等討納哈出兵號三十萬追至乙速阿納哈出窮迫遂及其學士也先帖木兒國公觀童并部下二十萬人降是役也臨江侯迷失道戰死大兵還以都督濮英殿虜伏起殺之戊辰春納哈出至京封海西侯食祿二千石賜其官雋衣冠有差仍授指揮千百戶食祿不任事散其衆居雲南兩廣福建諸處未幾納哈出隨傅將軍征雲南至武昌卒賜塋南京封其子察罕瀋陽侯坐黨廢夏四月監玉等征虜兵次哈刺哈河前鋒偵虜營不遠玉謂諸將軍曰兵法出其不意攻其不備今虜不虞吾師可襲也遂倍道進抵其巢虜大驚潰其將亦蠻子本尉迎戰郭英手刃之遂俘其部

下五萬餘人獲西營輜重金寶及馬四萬餘疋再追至捕魚兒海擒其將咬咬司徒褻家大尉葵古達兒十不達刺及次子地保奴后妃等四萬餘人馬駝萬五千疋牛羊輜重無筭都督俞通淵何福以兵趨曲律運河招降平章阿悅木等獲人畜稱是元主益王脫古思帖木兒領十餘騎出走也先速迭兒之地被弒部落潰散地保奴有怨言遣使致之琉球自是元主之裔削矣大臣立坤帖木兒爲可汗後稱小王子者其裔也時元主士馬爲其知院捏怯來國公者撒丞相失烈門等所據已而願內附上遣使授印與武官捏怯來等稱疾不與使者相見已巳命禮部移文諭之且云有意南來可令

入朝決意北嚮從其所欲捏怯來等惧遂降時元兀納
納失里大王居和林西是冬遣來降太子八郎鎮撫渾
都帖木兒奉勅往諭不報庚午元丞相咬住太尉乃兒
不花知院阿魯帖木兒伏塞下是春上命成祖統
頴國公傅友德等出迤都山擒乃兒不花而還時遼王
阿札失里屯朶顏山寇邊辛未成祖復督傅友德郭
英出塞捕阿札失里五月兵次哈者舍利王友德佯令
班師怠虜虜聞之果懈時蔚州千戶施文獨戒所部以
俟越二日友德復趣師深入六月至黑嶺鴉寒山破之
俘五百餘人獲馬千餘疋七月還至金鞍山經磨鑣子
海打蘭尖山襲虜酋札都過黑松林熊皮山又破達兀

刺罕皆大獲是役也獨文軍宿飽人曰施文能識大將
心八月都督劉貞宋晟社哈梅里兀納失里遁去遂攻
破其城斬酋千餘人是時北虜君弱臣強壬申成祖
巡邊捕虜秋九月都督周興討也速迭兒大破之于徹
徹兒山千戶鄭亨出塞幹難河宣國恩以撫殘衆虜亦
斂自荒遠不窺邊十餘年丙子成祖出大寧塞周世
子有燉出北平塞捕虜戊寅勅近塞諸王防虜建文三
年坤帖木兒死鬼力赤爲可汗未幾癸未遣指揮朶兒
恍惚等奉勅以織金文綺四端往諭鬼力赤書云元運
旣衰我皇考太祖高皇帝受天明命撫有天下朕以
嫡子奉藩于燕恭承天眷入繼大統嘉與萬邦同臻安

樂比聞其地推可汗正位特差指揮往致朕意今天下
大定薄海內外皆來朝貢可汗能遣使往來通好同為
一家使邊城烽燧無警彼此熙然共享太平之福豈不
美哉并勅太師右丞相馬兒哈咱太傅左丞相也孫台
太保樞密知院阿魯台等以遣使往來意各賜文綺二
未幾虜入遼東塞掠懿路七月又書諭鬼力赤十月虜
寇永平是時鬼力赤非元種其臣不肯下已而鬼力與
阿魯台以兵擊瓦剌馬哈木鬼力赤等不勝時馬哈木
阿魯台皆遣人入貢閏十一月虜寇攻溝村黃甫川乙
酉春正月阿魯台部落掃胡兒來歸且告鬼力赤聞兀
良哈哈密內附遂相猜防數遣人伺塞下令謹備之是

時虜一生聚近邊朝廷遣鎮守其涼都督宋晟往招其
酋長把都帖木兒等夏四月把都帖木兒及倫都兒灰
率衆五千人馬駝萬六千款塞秋七月命把都帖木兒
為右軍都督僉事賜姓名吳允誠倫都兒灰為後軍都
督僉事賜姓名柴秉誠部下保任為陝西行都司都指
揮賜姓名楊效誠餘皆指揮千百戶鎮撫等官又各賜
冠帶襲衣文綺表裡白金有差居之涼州仍給牛羊孳
牧都督牛二十羊一百五十以下各有差隨來人等戶
給牛六犴二十及衣鞋布鈔詔宋晟加意撫之後虜衆
既定又揀其中驍健者數百人參以我軍三倍命于塞
外偵邏以示懷畏于遠會丙戌頭目滿東兒灰等來歸

命滿束兒灰爲都指揮賜姓名柴志誠阿兒刺台爲都
指揮僉事賜姓名柴汝誠餘指揮千百戶等又各賜冠
帶誥勅衣服鈔幣有差居之涼州莊浪寧夏三衛夏四
月書諭鬼力赤謂拘我使臣掠我邊境自阻聲教可汗
聰明特達宜敬天命恤民命還前所遣使者及掠去邊
人相與和好用寧息爾衆同享太平之福顧不備哉仍
以文綺二表裡致遠意不報五月勅諭阿魯台蓋自未
樂以來虜本雅失里及馬哈木阿魯台等朝貢不失緣
虜貴種類以故不服鬼力赤至是阿魯台執而殺之遂
迎立蒙古三族本雅失里以阿魯台爲太師始與中國
不通又瓦剌三酋馬哈木等與阿魯台勢不相壹遂各

相雙擊戊子馬哈木等來歸詔以爲順寧王太平爲贊
義王把禿字羅爲安樂王三月遣鴻臚寺丞劉帖木兒
不花等以織金文綺衣二襲綵幣四端持書往諭本雅
失里大畧言元運旣訖自順帝後傳比六代瞬息未聞
一人遂善終者去就之問爾宜詳察古帝王如周封舜
後謝公滿於陳夏後東樓公于杞商後箕子於朝鮮微
子於宋漢唐宋皆封前代後我皇考太祖於元氏子
孫存恤保全朕之心耶皇考與前古帝王之心爾元
氏宗嫡當奉世祀如能幡然來歸加以封爵厚以賜賞
俾於近塞擇善地以居惟爾所欲無爲下人所惑不報
已而本雅失里承鬼力赤之亂無威其下亦叛服不常

是冬韃官吳允誠之子吳杏蘭柴秉誠之子柴別力哥
頤出塞自效從之己丑春三月 駕北巡夏四月遣都
指揮金塔卜歹給事中郭驥等以綵幣六表裡持書往
諭本雅失里大畧云邊將得爾部完者帖木兒等二十
二人具言衆已推爾為可汗誠能上順天心中察人事
使命往來相與和好安于無事豈不美哉完者帖木兒
等朕念其有父母妻子均給賜資就令使臣送歸并賜
阿魯台馬兒哈咱脫火赤哈失帖木兒等綵幣驥至虜
殺之報至 成祖大怒謂廷臣曰此虜負朕恩罪不可
貸六月以淇國公兀福為征虜大將軍武成侯王聰左
副將軍同安侯火真右副將軍靖安侯王忠安平侯李

遂左右副參將帥師北征陛辭 上諭之曰毋失機毋
輕犯虜毋為虜所給諸將拜命遂行先是本雅失里營
臚胸河丘福遣將校領千餘人擊之虜挑戰輒佯敗福
遂乘勝渡河深入虜又授意尚書一人詐奔降福因飲
勞尚書謁虜情尚書詐福本雅失里聞大兵至皇怖思
北走此可三十里許福喜曰可疾馳擒之不為備諸將
皆言虜行詐也當遣精騎為前鋒偵虛實不然且駐我
軍集而後一鼓破之不聽遂用被獲者為嚮道直抵虜
營虜又示二日戰皆不勝福意益怠遂進兵遠等力沮
不聽纔數里虜伏四起圍我軍遠聰二人皆戰死福被
執全軍遂沒福墮虜請道肯敢也事聞 上震怒決意

親征遣書諭 皇太子南京監國先期詔陝西山東山
西湖廣等處衛各給鈔行種赴征命將督之以從庚寅
春二月丁未 駕發以學士胡廣侍講楊榮金幼孜扈
駕遂度居庸次宣府閣武 上召金幼孜謂曰今滅此
虜惟守開平興和寧夏甘肅大寧遼東則邊境可永無
事矣壬戌過萬全都司 上指城謂廣等曰此城朕所
築從城北入德勝口 上又嘆曰如此險人馬安能度
遂躋野狐嶺抵興和營馬寒甚苦上謂廣等曰此即陰
山脊故寒過此又煖三月過封王佗今名鳳山西南有故
城名沙城 上曰即元之中都也此處最宜牧馬越數
口道錦水磧十餘里傍有古城址上曰此蒼魯城也朕

常獵於此又數日抵清水源營馬多鹽池士馬苦無水
忽離營六七里許湧泉數畝馬遂得飲 上喜賜名神
應泉四月七日發雪岡遠見一山獨高秀拔如拱揖上
指亦曰此賽罕山華言好山也又曰阿卜者華言高山
也其中人迹少至至則風雨交作故胡騎少登此若可
常登一覽數百里已為其所窺矣是日次玄石坡及晚
士馬渴忽有泉賜名天錫泉至歸化甸有泉出名之曰
靈秀泉十二日營楊林又西南有泉遂名神貺泉進距
廣武鎮人言國初征和林時所築以屯糧者次捷勝岡
得泉又名神獻次請泠泊得泉又名瑞應五月朔入臘
胸河 上立馬久之賜名飲馬河傍河築營名平漠鎮

遂遣哨馬畧蒼山峽遇胡騎得箭一矢馬四疋而還明日指揮欵台畧玉華峯擒一虜譚之始知虜在儿古兒扎河大兵遂渡飲馬河營馬明日以清遠侯駐兵河上留金幼孜營中 上以輕騎擊虜人齎二十日糧以尚書方賓胡廣隨又明日臨幹難河即元太祖始興之地本雅失里擁衆來戰 上麾先鋒擊敗之本雅里遁去是月二十日兵旋飲馬河 上復以騎兵追捕餘虜二十六日班師六月朔次凝翠岡明日至濶淙海子 上指示曰此水周圍千餘里幹難臚胸凡七河注其中故大遂場名玄冥池至飛雲壑阿魯台列陣以待 上督精騎摧敗之阿魯台急率其妻子遁去次廣漠遣兵搜虜于山谷

間復大破之遂自廣漠渡河殘虜尚出沒尾我 上命伏兵河曲佯以數人載輜重在後誘之虜望見爭馳我伏起虜倉惶走遂俘數人餘多走死虜由此遂絕七月二日至開平營于幹耳朶單言宮殿也元宮殿故址猶存過龍門有兩山峙立中有水最險 上指示曰斷比路孰能渡之胡廣曰此處好鑄磨崖碑 上曰正合朕意遂即其山賜名擒胡勒銘云瀚海為澤天山為鏑一掃胡塵未清沙漠先是銘清流泉云於鏖六師用殲醜虜山高水清未彰我武蓋以耀威靈以震荒域俾其覽神辭而鼠伏以毋役我邊吏云是月十七日 駕還京辛卯冬阿魯台欵塞且請以女直吐番入其部落下廷

議黃淮對曰北虜狼子野心使各爲心則易制若併爲
一則難圖矣 上顧左右曰黃淮如立高岡無遠不見
遂拒之癸巳駕又北巡勅阿魯台無以丘福事懷慮漢
呼韓即唐阿史那社爾受享顯爵福乃子孫爾宜效焉
特賜爾母子金幣冬十月阿魯台降封和寧王母妻皆
夫人瓦刺馬哈木等怨之遂失朝貢甲午春 上親征
馬哈木等仍以金幼孜胡廣揚崇扈從以安遠侯柳升
領大營武安侯鄭亨領中軍寧陽侯陳懋豐城侯李彬
領左台哨成山侯王通都督譚清領左右掖都督劉江
朱榮爲前鋒三月庚辰駕發 皇太孫隨五月朔次于
揚林 上閱武六月三日抵雙海泉 即散里快鬼之地
元太祖肇迹之所

也有宮殿
郊坛在焉進三峽口遇虜數百人擊走之七日駐急蘭
忽失溫時答里巴及馬哈木太平把禿孛羅掃境來戰
去我營十里許即高山爲屯人帶馬四五疋已而大戰
勢甚銳 上躬環甲冒自督銳卒先陣一衝諸將繼之
神機砲四發虜驚潰棄馬亟奔入山大兵東西夾攻之
虜且戰且却至暮大破之入馬殺傷無算虜號哭遁去
追至土刺河而還明日賜其地曰殺胡鎮遂班師八月
朔 駕還京乙未冬馬哈木遣使貢馬且伏罪時使者
洩言馬哈木以阿魯台內附將爲已害欲移兵幹難河
俟冬襲阿魯台 上曰斯言雖未信然吾須有備十二
月勅鎮守寧夏寧陽侯陳懋及大同開平遼東等處守

臣防邊丁酉馬哈木死子脫歡嗣順寧王辛丑春三月
阿魯台圍興和守禦都指揮王祥戰沒先是阿魯台爲
瓦剌攻敗窮蹙南竄保息塞外故降 上曰虜性黠詐
遂賜之封俾仍居塞阿魯台亦感恩數遣使貢馬遣子
入朝夕之生聚牧畜蕃富又克悖桀驁遂劫掠朝使出
沒塞下爲寇詔諭不悛至是遂大舉 上怒下令親征
召兵部尚書方賓入議賓對糧儲不足未可興師又召
戶部尚書夏原吉刑部尚書吳中人皆謂宜休養兵民
只嚴勅邊將備禦且曰瀕年師出無功戎馬資儲十喪
八九災青澗作內外俱疫况 聖躬少安尚頒調攝勿
煩六師 上不悅遂遣原吉開平視糧已而詔原吉中

俱下獄賓惧自死時禮部尚書呂震長隙讚三人皆險
誣罔上心然之命戮賓屍幾殺原吉中以詢楊榮榮
言其無他 上怒漸怠乃置不問命英國公張輔等
訟餉運輔等議作前後兩運前運偕大軍行後運爲貫
前運分車驢命泰寧侯陳瑜都御史王彰及都督御史
郎中等三十六人領車運鎮遠侯顧興祖尚書趙玘等
三十五人領驢運以隆平侯張信尚書李慶侍郎李晟
總督之後運獨用車以保定侯孟瑛遂安伯陳英等二
十七人領之通計驢三十四萬頭車十一萬七千五百
餘輛挽丁二十三萬凡運糧三十七萬石既定遂戒期
徵兵壬寅春三月 駕發七月兵次于殺胡原阿魯台

震怖盡棄馬駝牛羊輜重于濶濼海子側牽家屬北遁
上命焚其輜重收其孳牧而還時兀良哈為孽比班師遂
分步騎為五道疾趨至屈列兒河兀良哈惧率衆兩走
上麾兵追之斬首數百級直覆其巢穴斬虜酋數十人獲
人畜十餘萬而還九月 駕還京十二月阿魯台弒其
王本雅失里而自立本雅失里妻牽其屬來朝遂居內
地癸卯阿魯台犯邊 上曰朕當出兵先駐塞以待虜
不虞吾之出因而擊之可以成功遂命寧陽侯陳懋等
為先鋒七月 駕次宣府九月朔抵沙城知院阿失帖
木兒古納台等率妻子來降且言阿魯台杖上授阿失
等俱正千戶十月 駕次上莊堡先鋒陳懋覘虜在飲

馬河進至宿菟山口會韃靼王子也先土干率妻子部
落內附 上喜且曰遠人來宜有以旌異之封忠順王
賜姓名金忠歲給米千石其甥把罕台以為都督部下
察卜等七人皆都指揮餘正千戶賞賚甚厚金忠屢矣
阿魯台不順天命弒王殘民請討之願為先鋒自效

上曰鄉意甚善但師出有名耳甲辰春正月阿魯台寇大
同開平 上遂親征勅集山西山東河南陝西遼東等
五都司及山西行都司等處兵馬三月丁丑朔大閱於
京師以英國公張輔安遠侯柳升等從征遂杖阿魯台
罪以示兵端四月戊申以告于天地宗廟社稷命皇太
子監國己酉 駕發庚午次隰寧偵虜指揮把里禿言

虜往荅蘭納木兒遁去 上曰寇去此不遠勅諸將進
兵五月乙亥朔次威虜鎮戊午抵荅蘭納木兒河謀者
還報彌望惟荒塵野草虜隻影不見又分兵循山谷間
大索亦無見 上謂張輔等曰古王者制夷狄之道驅
之而已不窮追也遂班師七月辛卯駕崩榆木川

洪熙改元賜本雅失里妻及其外母米月各五石七月瓦
剌部脫脫來歸已而馬哈木攻敗阿魯台衆推元裔脫
脫不花爲可汗召迤北哈喇噴等部皆應之馬哈木與
其子脫歡孫也先居于瓦剌宣德元年春正月勅瓦剌
王子控烈忽嗣父質義王脫歡入貢亦令嗣父王二年
和寧王阿魯台瓦剌順寧王脫歡亦力把力王歪思各

遣人入貢三年春遣指揮曹者赤帖木兒奉璽書阿魯
台四月脫歡歪思各遣人朝貢賜金綺加賜歪思弓刀
甲冑四年六月虜寇赤城七月寇宣府十月寇鵬鶚五
年虜諸酋相構往來攻塞下六年二月勅大同總兵武
安侯鄭亨云聞阿魯台與瓦剌脫歡戰阿魯台敗北部
落離散假息近邊即欲來降嚴爲警備歸正人至傳食
至京虜多詐古云受降加受敵慎哉仍遣勅撫諭阿魯
台七年九月阿魯台殺敗兀良哈遂住牧遼東寒明年
二月阿魯台自遼東遣人入貢 上勅總兵巫凱云往
年虜使自大同宣府入今乃迂路從遼東謹防之七月
虜入大同塞九月阿魯台部落寇涼州九年正月寧夏

總兵史昭奏鞬鞞也先帖木兒等款塞一土曰謫虜未
可輒信慎防之四月阿魯台敗于瓦剌八月脫歡殺阿
魯台遂遣人以故元玉璽獻九月阿魯台子阿卜只俺
來歸授中府左都督是年虜朶兒只伯寇涼州寧夏十
二月虜入開平塞千戶楊洪擊走之完者帖木兒寇甘
肅千戶王敬出禦遂擒以歸正統元年虜寇鎮番及冊
山又入大同塞是年脫歡與朶兒只伯讐殺相併成國
公朱勇言兩虜和合勢益強益宜勅沿邊為備已而脫
歡潛通兀良哈女直伺塞下二年脫脫不花遣人貢馬
原賜之時朶兒只伯數掠甘涼兵部尚書王驥以兵出
塞搃其策敗走之四年冬虜貢馬詔賜同也先自脫八

年也先阿魯骨遣人貢馬是時也先強脫脫不花弱也
先以妹妻脫脫不花數年間挾脫脫不花並入朝得賜
金幣無筭使人館京師逾春乃遣以故也先氣益驕劫
我通事人變詐出好語告以中國虛實也先遂與通事
言吾有子請婚南朝公主已而通事謾曰為若奏皇帝
許之也先大喜誇諸酋曰吾且進聘禮已巳春也先遣
使二千餘人聲言三千來貢馬且曰聘禮也 朝廷不
知答詔不及和親事又中官王振怒其詐人數遂裁其
馬價而遣之也先慚怒遂謀大舉七月入掠大同宣府
諸塞城堡多陷沒朝廷遣駙馬都尉井源等四將軍領
兵四萬出禦皆陷時王振用事遂挾 駕親征是月十

七日 駕發號五十餘萬度居庸次宣府謀報日甚
人情不保且乏餉士卒多餓死八月 駕至狼山朱勇
戰没于鷄兒嶺十四日 駕次土木四面皆虜十五日
我戰失利已而衆潰虜遂奉 駕北行自大同出塞至
野松林居于伯顏帖木兒營已而也先挾駕數請和朝
廷察其詐不許虜尋以 上皇北去景泰元年正月虜
入大同塞報杳至京師有訛言諸大臣皆潛遣家歸民
益驚惧吏部辨事吏徐鎮上疏乞禁止不聽三月虜入
偏頭關萬全等處遂大掠蔚州朔州五月虜入河曲遂
圍代州尋請和送 上皇還秋八月 上皇至自北虜
十一月虜入寧夏塞二年也先遣人貢馬遂劫窘普化

欲自立爲可汗時尚書于謙武清侯石亨言普化也先
讐殺乞統兵出宣府大同討虜復讐不聽未幾虜遣使
皮馬兒黑麻等來朝貢且邀我使往報三年正月遣書
答瓦剌可汗時也先攻敗可汗普化普化率十餘騎奔
良哈依沙不冊初普化正室書也先妹生子不得爲太
子以故也先恚憤擊破之收其妻妾太子人畜來獻捷
遂貢良馬二疋詔宴其使賜鈔幣十月也先遣大尉察
占平章哈只阿力等二千九百四十五人來朝貢馬且
請命使往來 上曰正統中緣使臣往來構隙遂勅邊
鎮練兵防虜十一月宴察占等于禮部使臣馬賈者聽
十二月少傅王直請答使瓦剌下兵部議尚書于謙言

臣戒兵戎知戰而已若賊渝盟敢為悖逆當爾將天威
往正其罪遣使事不敢與議制曰使勿遣是時也先無
狀使來郎乞黃紫織金九龍紵絲及金酒器樂材顏料
樂器佩刀諸物毋使至輒千餘人出入驕悍敢歐守衛
人掠財物至欲騎入長安門都督昌英好語阻之不聽
及遣出塞又捕掠而還虜因東結朶顏西交哈密脇結
赤斤蒙古往往窺塞下人曰肅愍數語聞者叶氣四年
虜遣使察占等二千八百七十六人貢馬貂鼠皮詔賜
宴禮部正副使二十二入陞都督都指揮使指揮千戶
等官賞金廂金帶九釵花金帶九素金帶三花銀帶一
其餘賞織金絲表紵絲二萬六千四百三十二疋綸九

萬一百二十七疋衣靴帽萬計仍勅也先未答使不許
七月沙不丹殺普化也先遂自立為可汗十月遣使哈
只馬貂鼠銀鼠皮書稱大元田盛大可汗田盛猶華言
天聖也未書添元元年中言往元受命今得元位盡有
其國七人民傳國玉寶宜順天道遣使和好庶兩家共
享太平又致殷勤 太上皇詔議答書時給事中林聰
言也先不敢輒稱可汗使覘中國若輒從其稱長縱逆
賊仍其故號激怒太羊乞勅其來使歸語也先以華夷
之分順逆吉凶之道庶不失國體給事中徐正亦請遣
往諭如其給惡不悛我乃申罪致討安遠侯柳溥言也
先糾策所謂亂臣賊子人人得而誅者若從其偽稱是

與其弑主也。答書宜仍稱瓦剌太師，否絕其使彼犯我邊塞。郎與師致討，詔再議。廷臣言：可汗乃北狄酋長之常稱，答書宜稱為瓦剌可汗，稍示羈縻。時禮部郎中章綸言：可汗二字在中國固為戎狄酋長之常稱，在我狄則為皇帝之位號。今若因而稱之，彼以為中國天子，且稱我為可汗，誇示群酋，群酋畏服無復，携貳益窺中原。後禍未測，仍其故稱，彼必慚怨，益肆侵擾，均為不可。莫若賜勅封為敬順王，或稱為瓦剌王。廷臣又言：稱可汗便給事中盧祥李鈞路壁等爭請仍稱太師。上曰：也先雖桀傲，亦能敬順朝廷，宜如議稱瓦剌可汗，仍勅沿邊城守戒嚴。是時也先新立，恐諸酋不從，意在通好中朝。

貢布往來，然數年間賞賜虜黃亦不下百萬云人之也。先荒酒色，又所為多殘忍，部下生心。天順初，平章哈刺向也先求為太師，不與，而以其弟平章阿失帖木兒為之。哈刺怨，遂襲殺也先。諸部皆分散，立其子小王子。時孛來腐王子為雄，又弑小王子，入寇陝西。二年春正月，安遠侯柳溥與孛來戰，敗績。是冬，孛來寇神木縣，延綏守將都督僉事張欽禦于柴溝，斬獲甚衆。虜又入安邊營，欽分兵連戰于野馬澗等處，俘其將鬼里赤，接獲駝馬兵仗倍之。捷聞，進欽都督同知，佩征虜副將軍印。總綏慶陽諸路兵。四年秋八月，孛來寇大同，直抵鴈門，忻代總兵高陽伯李文避不敢出京師，民大擾。虜又入宣

府大學士李賢言于上曰京師宜出軍于紫荆例馬
二關駐劄非欲與之對敵一則安撫人民一則使彼知
惧不敢深入上然之遣都督顏彪駐兵紫荆關馮宗駐
兵倒馬關已而虜大有獲去而復來遂勅二將俱出鴈
門虜聞之退去五年六月孛來寇迤西涼州莊浪等處
遣總兵仇庶領兵自蘭州過河遇虜截殺敗績虜遂渡
河大掠開隴震動尋命懷寧伯孫鏜兵部尚書馬昂統
京營兵萬七千河南山東兵六萬西征會曹欽反不果
八月大學士李賢請起前都御史王竑侍郎白圭禦虜
虜尋引退是時孛來衰大酋毛里孩阿羅出少師猛可
皆與孛來相讐言殺遂立脫思為王虜中言脫思故小王

子從兄也於是毛里孩阿羅出孛羅忽三酋始入套爭
水草套虜盤據為患自此始矣已而阿羅出結亂加思
蘭孛羅忽結毛里孩各立黨出入套中我漢人被擄去
及罪人走塞外者又為之嚮道遂攻堡固墩深入內郡
殺掠人畜成化元年九月虜大入延綏巡撫陝西都御
史項忠寧遠伯任琦巡撫延綏都御史盧祥合兵禦之
虜敗走二年亂加思蘭殺其黨阿羅出遂併其衆以結
蒲魯都入河套蒲魯都自立為可汗而以亂加思蘭為
太師五年九月孛羅忽亂加思蘭入榆林寧夏大掠至
于環慶固原十二月毛里孩也烈忽寇陝西總兵劉聚
擊敗也烈忽時虜諸酋住套安為巢穴廷議搜套會大

臣失策而罷自時近造人畜無歲不被虜擾已而虜酋相猜初亂加思蘭以女妻滿魯都後亂加思蘭欲謀殺滿魯都代為可汗知衆不從又欲立幹赤來為可汗滿魯都索幹赤來亂加思蘭匿不與遂相讐殺十五年滿魯都殺亂加思蘭併其衆明年入寇榆林塞大抵成化間瓦剌為強小王子次之並陰結朵顏伺塞下反復相殘不能久留內地成化末滿魯都衰遂不知所終是時把秃猛可王太師亦思馬因知院脫羅千遣人貢馬弘治把秃猛可死阿歹立其弟伯顏猛可為王伯顏幼國人恐太師專遂不復設太師久之小王子部落火節最強悍弘治十年火節寇大同宣府日漸跋扈遂與小王

子爭雄數擾近邊十四年正月火節擁衆入榆林塞八月入花馬池塞大掠固原自後虜寇關隴輒自花馬云十七年六月兀良哈結小王子寇邊小王子遂稱末貢否且深入謀言虜諸酋期分道並犯黃裏黃裏云者並言京城也是月虜寇大同上銳意討虜太監苗達力請出師劉大夏力言不可遂止宣德改元起揚一清總制一清請復守東勝據河套水草之利逆瑾惡而罷之十年閏四月朵顏通小王子部落入蘭谷塞遂殺衆將陳乾是時小王子三子長阿尔倫台次阿着卜孫次滿官嗔太師亦不剌弒阿尔倫遜入海西西海之有虜白亦不剌始也阿爾倫長子卜赤次也明皆幼阿着称小

王子子二長吉囊次俺荅阿着死衆推立卜赤称亦克罕有衆七萬分五大營曰好陳察罕兒曰召阿兒曰把郎阿兒曰克失旦曰卜爾報可卜赤居中屯牧五營環衛之又東有岡番罕哈尔填三部岡番部營三其西曰滿會王罕哈部營三其酋曰猛可不郎尔填部營一其酋曰可都番三部共有衆六萬居沙漠東鄙與朵顏爲鄰南部酋曰把荅罕柰曰失喇台吉有衆五萬西部酋曰應詔不曰阿魯禿斯曰滿官嗔應詔不部下分十營曰阿速曰哈刺嗔曰舍奴郎曰孛來曰當刺兒罕曰失保嗔曰叭兒厥曰荒花旦曰奴毋嗔曰塔不乃麻舊屬亦不刺亦不刺遁海西遂分散唯哈刺嗔一營僅全阿

魯禿斯部下分七營舊亦屬亦不刺今從吉囊合爲四營曰呼合斯曰偶甚曰叭哈思納曰打郎衆至七萬滿官嗔部下分八營舊屬火篩今從俺荅合爲六營曰多羅土悶曰畏吾兒曰兀甚曰叭要曰兀魯曰土吉刺衆可四萬諸種中吉囊俺荅最強出入河套寇延寧宣大諸處南有哈刺嗔部營一首把荅罕柰衆可三萬哈連部營一首失刺台吉衆可二萬居宣府大同塞北有兀良罕營一故小王子北部也因隙叛去至今相攻又西爲厄刺可五萬人世與土魯番爲讐諸虜雖水草遷徙不定然營部皆有分地不相亂嘉靖中吉囊俺荅最爲邊患八年十月大掠榆林寧夏塞自後邊報無虛歲時

盧酋青台吉哈剌台吉那林台吉皆也牧塞外出沒宣
府之境十九年八月薊州撫臣奏朶顏酋革蘭台結北
虜且併力侵邊朝廷令撫臣諭革蘭台二十一年吉囊
死子板不孩居塞中小王子不及兒台吉駐威寧海上
是時俺荅糾數酋經朔州破鴈門掠太原京師戒嚴二
十九年八月俺荅遂入漁陽塞犯京城駐天壇直抵德
勝西直門八陵震驚未幾大獲而去特詔練習京兵云
人曰桀黠不可化服者古今只北虜耳顧倫禦之策則
在嚴內外選邊將重功賞核捷級而練兵足餉固其常
也嘗閱鄭端簡公北虜考云嘉靖初如楊一清王廷相
胡世寧王瓊輩邊防煩飭以故虜亦未大為患自癸巳

大同叛卒出走虜尋遣大臣撫之益虜走幾千人後虜
中擇便捷輩多與牛羊帳幔令為僧道丐乞入訓我邊
西至甘涼東出山東或入京師凡地里險易兵馬強弱
撫鎮將領勇怯利害盡走告虜吉囊俺荅如庚子二酋
入塞大同顧與虜約無掠我人畜我亦不復蘭若虜喜
嚙指折箭至秋竟越大同抵鴈門度寧武入山風都交
城掠殺人畜萬計大同軍有得虜掠我輜畜名買路錢
大同巡撫史道總兵王陞幸無事若不聞聞亦不問大
同軍遂驕悍不用命宣府總兵白爵調援亦不肯戰夫
若斯則所以嚴內外者安在乎夫邊卒曰哨曰邏正以
嚴之也使得隱身入調又假之脫虜自全為章則亦焉

用彼鎮守為也考又云虜攻鴈門山西撫臣陳講告急大同撫臣史道匿不以聞講疏言達賊深入省城未遭挫衄延住腹裏尤為可駭我兵追逐不滿八千大同援兵雖至遣之督戰觀望不前詢問虜中歸正人皆言賊多華人鄉導議入本兵謾曰虜且退矣明年虜入大同塞總兵丁暉戰死以樊繼祖總督宣大軍務虜至不出已而山西遊擊將軍周宇戰死虜遂至省城南掠人畜萬計吉囊總去俺答又入二十一年二月言官交章劾繼祖竟不罪歸田陳講史道為民是時起翟鵬總督宣大備保及山東河南軍務已而時宰惡鵬直會鵬乞兵糧內批罷鵬革總制官專責大同宣府山西保定龍大

有楚書劉臬劉隅四巡撫夫若斯則邊將之選亦甚踈矣夫登壇而拜授鉞而行固異其有所懷却以靖我邊陲也而碌碌焉坐資待遷其何以能使夏人之戒邊乎考又云甲午秋吉囊大掠塞上八月始自退時總督尚書唐龍奏捷言斬虜首四百五十四級兵部以王越封伯例請勅給事中覈竟以功報陞賞有差巡按御史又劾總兵劉文冒功掩罪不問庚子秋虜數萬入安邊定邊陝西總制尚書劉天和率精兵九千駐花馬池天和為虜隔逾月奏不至既而告捷言斬虜首五百卒張奴兒殺吉囊之子虜諸酋大哭遁去加天和太子太保叙一子錦衣正千戶陞賞三鎮文武吏士凡千餘人張奴

兒陞世指揮僉事內閣以謀謨帷幃夏言加少師崔寯
少保本兵以曲盡方畧全收全功加少保叙一子錦衣
副千戶二十一年虜大舉始出賞格擒斬掩吞賞銀千
兩陞不次他酋三百陞三級夫若斯則功賞輕而捷級
皆涉欺罔而已蓋覈功者竟報則覈之者未必真冒功
者不問則冒之者無所忌謂之捷級必其身親矢石斬
虜陣中而收之也謾報謾賞互爲文致人皆曰此可以
機智勢力而得者誰肯捐身於對賊之時以覓他日之
榮報乎考又云二十一年秋俺荅青台吉吼蠟哈哈刺
漢及叛人高懷智李天章各擁萬衆越太原烈營汾河
東西散掠上黨平陽我師連營莫相攝觀望不肯戰偏
帥張世忠起營約戰諸將閉營不相援賊以騎三千
餘圍世忠世忠憤曰諸將獨不念血盟耶世忠傷虜矢
下馬步戰亟且火藥盡呼曰我軍被圍戰苦諸將竟不
相援國憲天刑寧汝逆耶遂戰死夫若斯則練兵亦何
爲哉俚言養之千日用之一旦 國家費不啻以膳不
耕之輩今且告危民在水火而不肯出死力則平日亦
不須尔坐食矣是兵貴練尤在軍令嚴夫兵識將意也
善避之將斬一人狗有不肅隊者乎端簡寓意北虜考
以候籌邊者予故表而出之

兀良哈

地在永平之北西南接大寧境古山戎是也元人置大

寧路 太祖初創錦義建利諸州隸遼東遼寧古會州之地設大寧都司營州等衛以為外邊所謂北平行都司也修築山海關至古北口以為內邊辛酉封寧王於此戊辰冬十月東夷遼王惠寧王朶顏元帥等各遣使入貢自是額內附為我外藩已巳夏四月詔以兀良哈之地置三衛于橫水之北曰朶顏曰泰寧曰福餘以降胡脫魯忽察兒海撒兒奚阿札失里冬授都督指揮等官以統之三衛分地自全寧抵喜峯口近我宣府鎮者曰朶顏衛自錦義歷廣寧至遼河界曰泰寧衛自黃泥窪踰瀋陽鐵嶺接我開原鎮者曰福餘衛自錦義渡遼河至白雲山為大寧皆逐水草無恒居二衛朶顏最強

分地又最險其貢路入自喜峯口而市則在遼東防其變也後竟叛去仍附蒙古勅令每歲朝貢而已

成祖靖難三衛赴義有功永樂初割大寧地與之徙寧王于南昌改行都司于保定為大寧都司又增置卜剌罕衛今東起遼陽西距西海治皆其境也仍令三衛歲二貢貢百人久之每貢至千餘人邀我賞賚其承襲不分真偽俱稱舍人云宣德時嘗出喜峯關入漁陽擊敗虜于寬河正統初又叛遂侵益東北關諸寨索益米賞賜國家始設都指揮或都督鎮守喜峯密雲驗放貢九年竄伏迤北時出擾邊朝廷命成國公朱勇都督馬諒陳懷領兵三道出號二十萬至全寧擊敗福餘抵虎頭山

遇泰寧孛顏又破之已已之變福餘大寧實爲也先嚮
道景泰四年兀良哈貢使往來實爲瓦剌間諜詔自後
使至伴二三人入京餘不得輒入成化四年與北虜毛
里孩通侵天城弘治中守臣楊友張瓊燒荒出塞掩殺
之逆虜遂起蓋非復如未樂初矣部落旣蕃陽順陰逆
累肆侵盜正德時孛顏都督花當魯求添貢子把兒孫
最驍勇遂深入擄掠動稱結親迤北恐中國乙亥把兒
孫人馬蘭谷塞殺叅將陳乾朝廷遣都督桂勇往討把
兒孫遣扯禿等請貢馬贖罪又謾言射林宇羅幹兒路
阿刺忽旦夕且糾諸部大舉入寇是時勇亦幸其降遂
匪師未幾入寇叅將魏祥出禦全軍覆沒把兒孫死革

蘭台又爲殺所推服遂入寇漁陽諸小關堡皆殘破嘉
靖壬辰九月巡撫王大用欲厚賂孛顏城其霧靈山不
果是時酋阿堆哈利亦數入建昌喜峯太平諸塞殺掠
人畜革蘭台又乞陞官兵部言大用喜事請以毛伯溫
代以大用出漁陽巡撫伯溫至鎮虜益盜邊人不得
耕牧辛丑革蘭台挾北虜求添貢衛三百人不許請
二百人亦不許遂出沒塞下輒云結王子旦夕大舉入
塞會俺荅吉囊侵大同深入大原不得已許其補前貢
失期者二百人丁未北虜道兀良哈入寇遼東兀良哈
又結海西建州出入遼東西塞下庚戌北虜直抵京城
多三衛人從之也觀輿地圖云兀良哈與北虜交婚陰

五國以爲名
四夷卷之二十九
三十一
爲嚮導名爲外衛實用胙腋之隱憂與戍之變豈非殷鑒哉

四夷卷之一百二十九終

四夷卷之一百三十

西北

安定阿端

地在罕東之西鞬鞞別部也其俗馬乳釀酒無城郭居以毳帳產馬橐駝玉石秦漢初猶爲月支匈奴境漢武拓地始置燉煌郡治焉洪武甲寅秋八月撒里畏兀兒安定王卜煙帖木兒或曰亦遣使貢鎧甲刀劍等

上賜織金文綺四疋遣之即其地分爲阿端阿真苦先帖里四部賜卜煙帖木兒銀印仍稱安定王乙卯夏四月以安定衛襲封嗣王其四部改置安定阿端二衛指揮使自是朝貢不絕安定王系哈密宗孺未樂未安定與

曲先叛戍我使臣擾邊洪熙元年冬十月以陝西都指揮同知李英為都督討之英率番漢兵設伏出奇搗其巢穴擄安定王俘其部落男女千餘人駝馬牛羊十三萬餘遂平仍朝貢成化中被上魯番殘破乃服屬之

赤斤蒙古

地在肅州之東漢燉煌酒泉二郡地也元丞相苦木部居之未樂二年苦木之子塔力尼等率五百人來歸詔設赤斤蒙古千戶所以塔力尼為千戶賜誥印尋改為衛命塔力尼為指揮僉事十一年遣頭目鎖南吉利刺獻叛虜老的罕陞指揮使自後朝貢不絕及土魯番亂衛遂播遷其產燧金鼓礮硎砂肉從蓉胡桐律堅韃草

栢脉根沙東駝

罕東

罕東本西戎部落居沙州城亦古燉煌地也洪武壬申入寇命涼國公往討土酋哈咎遁去丁丑入貢因立罕東衛及罕東左衛官其酋長鎖南吉利思為指揮僉事未樂二年鎖南吉利思與其兄答力襲等十六人貢馬陞鎖南吉利思為指揮使以塔力襲指揮同知頭目奴奴指揮僉事自是歲貢不絕嘉峪關諸衛罕東二衛最弱成化後土魯番迭入哈密二罕東不能支流散各城正德中陳九疇擊退土魯番始稍得生聚歸農牧比牙木蘭再入沙州益殘破其酋土巴等叛附土魯番嘉靖中命

王瓊督兵討之鄭端簡公云瓊撫住白城山肅州月餉粟歲且萬石坐困邊儲

曲先

地在甘州迤西南亦西戎部落也漢為張掖郡地 永樂四年設曲先衛以土酋散西思為指揮同知 宣德元年散西思討叛夷有功加國師禪師秩尋遣使入貢 正統二年頭目黑麻訛遣指揮火丁等貢方物 嘉靖中衛人牙木蘭為土魯番所劫牙木蘭驍勇土魯番時時令率衆侵哈密擾我甘肅已而與土魯番疑貳擁帳內附土魯番請還我哈密且以牙木蘭欲殺之警動我屬夷兵部尚書胡世寧以為不可乃止自是嘉峪關西諸衛

皆為土魯番侵擾不復為我藩蔽矣

論曰嘗閱鄭端簡公謂哈密衛安定衛阿端衛赤斤蒙古衛罕東衛曲先衛罕東左衛皆在嘉峪關外迤西然皆即番酋統治之不襲前代設郡故知自是沙州徼于嘉峪關兵守嘉峪以時啓閉以受番使朝貢無它也吁前代遠戍為中國生靈之擾今以夷治夷外攘而內益安矣

哈密城

此通西域也自漢武始

國家於西北邊設立甘肅等衛自肅州西七十里為嘉峪關關外建七衛而哈密又在六衛西又去肅州千百餘里本古伊吾廬之地唐之伊州也俗最犷悍其產馬

索駝玉石鎮鐵稔米豌豆麥大尾羊楸子胡桐律陰牙
角香棗其北天山與瓦刺界西接大州回回韃靼雜居
之為諸胡往來之津按元封族屬忽納失里為肅王居
之肅王死弟安克帖木兒嗣我

太祖定陝西命將守嘉峪關 永樂二年諸番遣使貢馬
始即其地設哈密赤斤罕東阿端曲先安定諸衛忠順
王仍主哈密四年賜王紵絲六十疋絹二百一十四疋
祖母妃各紵絲六疋絹六疋媼母紵絲四疋絹四疋
六年又賜王紵絲五十疋絹二十疋織金紵絲衣三套
皂麕皮靴二雙檀機二雙祖母母并妃各綵段六表裡
未幾被鬼力赤毒死無嗣乃索其兄之子脫脫自幼得

中國至是賜以金印主帶遣使送入哈密襲王主國事
令察諸番向背凡番使入貢就此譯遣亦漢斷匈奴右
臂意也部下有回回畏兀兒哈刺灰三種各令其酋曰
為都督佐之脫脫故子孛羅帖木兒襲王成化八年酋
者林弒孛羅帖木兒無嗣王母努溫答力理國事不廢
朝貢九年土魯番即唐之吐蕃夷速檀阿力王入哈密劫王母
奪金印部落遂播遷匿苦峪城或附居肅州亦有隨上
魯番去者事聞朝廷命高陽伯李文右通政劉文往撫
比至哈密衆已潰又土魯番去遠文等但調罕東赤斤
等番兵數千駐苦峪數月而還王母金印竟不返蓋自
是阿力謂中國易與志頗驕橫戊戌速檀阿力王死子

阿黑麻稱速壇未定時王母外孫畏兀兒之種都督罕
慎寄寓肅州壬寅其肅守臣以聞詔歸罕慎襲王爵甲
辰遣都御史王繼總兵周王太監覃禮送罕慎入哈密
城還朝皆以興復功受賞罕慎性貪殘及索番使往來
道路錢亦多恨者弘治改元阿黑麻年壯謂罕慎非脫
脫族不當嗣尋以計誘而殺之亦未敢顯言據哈密遂
遣使入貢言罕慎病死且乞封時兵部尚書馬文昇議
阿黑麻小夷來亦不拒然自有分地何得擅求代王主
哈密宜降璽書切責朝廷從之辛亥王母故其酋牙蘭
以金卮城池來歸下兵部議會曲先安定王遣使入朝
自稱忠順王裔蓋奸人教之其實非也尚書馬文昇曰

哈密國回回畏兀兒哈刺灰三種同居一城種類不貴
不相下北山一帶又有小列禿野也克力數種強虜時
侵擾哈密須得元遺孽襲封理國事庶可懾服諸番與
復哈密遂命通事詢貢使安定王族中子姪可主哈密
事者貢使舉王姪陝巴對時哈密三種大頭目奄克字
刺等亦言之文昇聽之遂請于上詔從之壬子春二
月遣使送陝巴入哈密嗣忠順王識者度曰夷虜貴種
類曲先本西戎安定本韃靼別部強合爲一又與罕慎
異矣土番必不心服及阿黑麻聞之果怒遂殺阿木郎
携陝巴及金卮而去時弘治癸丑也報至大學士丘濬
謂文昇曰哈密事重須煩公一行文昇曰西域買胡惟

圖窺利不善騎射自古豈有西域為中國大患者徐當靖之請行衆謂此一方事耳今北虜在邊四方多故邊事付之何遂止先阿黑麻遣頭目寫亦滿速兒等四十餘人入貢至是命兵部侍郎張海都督僉事侯謙奉璽書領貢使往經畧之海等至乃遣哈密夷人以勅往諭阿黑麻順天道歸陝巴金印竟留不報海不得已奏言遠夷不可加兵來則撫之叛則拒絕之而已遂以

上命修嘉峪關止捕其黠詐回回教令阿黑麻為奸者二十餘人奏發戍廣西遂閉關絕西域諸番貢令彼結怨阿黑麻以携其黨文昇亦請發馬亦滿速兒等安置廣東福建甲寅春三月海等還以無功降海山西叅政謙

住俸閑住由是阿黑麻輕我敢聲稱領夷兵一萬用雲梯攻肅州城并蹂甘州遂復入哈密自称可汗大掠罕東諸夷報至下廷臣議文昇言於朝曰上魯番至哈密十數程哈密至苦峪又數程道乏水草聞夷使入貢多馱水以行使我有備以逸待勞出奇擊之彼必疋馬不返此殆而虛聲恐我耳又以宣示夷使在京者伐彼邪謀已而阿黑麻果西去令頭目牙蘭率番人二百餘援哈密文昇曰此虜若專示以恩而不加之威彼終不知畏須用漢陳湯故事一大懲之聞肅州撫夷指揮楊翥諳夷情因授意彼處中臣遣翥詣京乙卯翥至文昇首詢以取牙蘭計翥對罕東衛至哈密道里徑捷若調罕

東番兵三千為前鋒以漢兵三千為後援各持數日熟食薰程襲之必成禽矣文昇大喜請于 上勅巡撫甘肅左僉都御史許進總兵又都督劉寧分守肅州副總兵彭清及太監陸閏等帥師由南山捷徑擐罕東調番兵已而寧等兵駐嘉峪關外候罕東兵又不至寧不得已遂及清冒險而入阿黑麻聞大兵至先率眾遁惟留大頭目牙蘭與撒他兒領番夷數百人登臺自保城中空然進至僅斬首六十餘級而還文昇議以兵遠涉哈密雖未得牙蘭而擒斬亦多各宜加陞賞從之加閏俸米二十石寧陞左都督加米百石進陞右副都御史清實授都督僉事久之阿黑麻以閉關不得通貢貿易且

先遣來頭目寫亦滿速兒等未歸居常恚然十年丁巳遣使送陝巴及金印來歸文昇言此虜挾詐俟陝巴金印即甘州然後取寫亦滿速兒等于閩廣付甘州候勅及錫賚是冬起王越為太子太保左都御史總制三邊經畧哈密明年越出河西取陝巴至甘州遣千戶張仁奏言近番酋引罪宜封其故王以守之無何越卒是秋賜陝巴蟒衣綵段冠服仍封忠順王放寫亦滿速兒等西歸戊午春二月陝巴入哈密仍以三種大頭目都督寫亦虎仙係回奄克孛刺係畏兀兒拜迭力迷失係哈剌翼佐之庚申甘州巡撫都御史周季麟以護送陝巴者上聞論功太監陸閏總兵彭清都御史周季麟皆賜綵段

白金陝巴主國頗拊克屬衛阿字喇等怨之已而阿黑
麻死子速檀滿速兒立阿字喇等因誘阿黑麻別子真
帖木兒年才十三入哈密陝巴棄城走沙洲真帖木兒
避居刺木城遣人曰我來恐達賊奪占哈密耳若有人
來守我歸本土無它也時鎮守官遣舍人董傑等偕都
督奄克孛羅烏亦虎仙牲諭且令陝巴仍守國阿字喇
不聽欲真帖木兒守之奄克孛刺遂執阿字喇等六人
殺之還報鎮守官復遣都指揮朱瑄領兵送陝巴還哈
密真帖木兒羈住甘州 正德元年陝巴死子速檀拜
牙郎嗣淫霄不親政事八年秋為厲夷所逐走土魯番
速檀滿速兒令酋目火者他只丁與馬亦虎仙滿刺哈

三人哈密取金印火者他只丁又令哈密都指揮火者
馬黑木等至甘州索賞時巡撫趙鑑

金幣二百往送

土魯番諸酋明年春正月撫夷官總入哈密滿速兒率
衆亦至遂及火者他只丁及牙木蘭虎力奶翁馬亦虎
仙滿刺哈三等寇甘肅貽守臣書索幣萬計且挾以許
我即獻城及金印否則即挿旗甘州門總制都御史鄧
璋請專勅大臣一人經畧哈密九年秋八月又遣都御
史彭澤往時言官咸謂既有鄧璋總制不宜復令澤總
督大學士楊廷和怒斥言者命下澤至會火者他只丁
寇赤斤苦峪諸衛且促幣澤謂夷情可利誘遂遣通事
火信馬馴等借馬亦虎仙齎幣二千及銀器往贖哈密

城印時虜勢猖獗有嫚言火信等詒以後增幣一千五百正時火信尚未旋澤乞致仕有巡按陝西御史燕澄真定人澤舊守真定陰授意澄奏言陝西一省鄧璋彭澤並總戎務動相掣肘乞取回澤別委以重大之寄澤又賄錢寧斬貴陸完等覆其奏召還掌院事京山高氏曰彭澤許幣贖城事涉欺罔孰謂澤以忠義自許而有是乎或曰澤平中原大盜又靖蜀寇功名以著盛滿急欲引退耳然如固先是甘肅御史馮時雍奏言土魯番之首長尚爾驕悍哈密之城印猶未歸復遣使講好大開溝壑之欲要我以難從之事後事之變故無形非臣愚之所逆覩不報已而速檀滿速兒亦遣使亦思馬因滿刺朶顏等歸金城及哈密而番速檀拜牙郎不遣鄭端簡云是時土魯

番四出侵掠關外諸衛及苦峪諸城因改趙鑑為涼江殘破河西藩籬又結瓦剌窺我河西

都御史陞陝西左布政李昆都御史巡撫甘肅昆又以雜幣二百疋附送印使者以歸仍質番虎六寫亦火者撒者兒于甘州以制其變時肅州兵備副使陳九疇言于昆曰彭總督當火者他只丁犯赤斤苦峪之時曲為撫處厚加賞賜被其愚弄猶模稜幹事不能身任利害以主國是復何面目立于天地間昆不能為及亦思馬因等回告速檀滿速兒怒復遣火者他只丁及牙木蘭據哈密又遣倒刺火者等來詰幣又齊土巴部落入嘉峪關誘肅州奸回斬巴思高彥名等為內應九疇亟令遊擊將軍芮寧參將蔣存禮出禦寧全帥敗沒存禮僅

身免九疇大懼亟索夷人居肅州城者倉卒驅之出城
又收通事毛見虜使巴思通賊都督失拜烟荅等諸奸
細誣殺之乃亟調屬夷劫其老營遣人結北虜瓦刺擣
其巢穴破三城速檀滿速兒懼尋引退九疇又盡發寫
亦虎仙數十年傾陷哈密奸罪坐謀叛論死時正德十
一年也於是甘肅御史王光兵科給事中汪玄錫等論
劾昆負撫綏之重任昧經國之遠圖養成回賊之患大
損中國之威有勅切責昆尋擢陳九疇為都御史巡撫
甘肅自後土魯番每以殺二夷族使為釁端不時入寇
未幾失拜烟荅于米兒馬黑麻入貢至京因賄倖突入
長安左門稱寃下錦衣衛令兵部三法司會議行河西

訊報十三年速昆九疇至王瓊請廷鞫幾殺澤九疇昆
降浙江副使二人俱削籍十四年 上幸會同館寫亦
虎仙米兒馬黑麻因權倖得見上賜國姓從南征嘉靖
改元寫亦虎仙復論斬死獄中瓊謫戍澤起為兵部尚
書昆侍郎九疇僉都御史巡撫甘肅明年米兒馬黑麻
亦論死嘉靖二年滿速兒侵甘肅大四殺掠九疇出禦
大破之殺火者他只丁巳而兵部尚書金獻民至遂用
九疇議閉關絕貢尋以議者追咎九疇殺夷使遂罷之
四年牙木蘭復擾哈密肅州遂入沙州五年起楊一
清提督軍務一清至亦議還哈密城印許入貢以此羈
縻之未幾一清召入閣以尚書王憲代之憲乃盡出平

涼羈番夷使往土魯番諭以悔過歸我哈密不報六年
議禮諸臣桂萼方獻夫霍韜張璠並追論哈密事由楊
廷和曲庇彭澤釀茲大釁乞急用王瓊以寧西鄙七年
滿速兒劫我曲先衛人牙木蘭內侵牙木蘭不從遂擁
帳內徙奔肅州乞白城山金塔寺住牧因番肅州是春
起王瓊兵部尚書兼右都御史代憲瓊至會滿速兒請
以哈密易牙木蘭瓊即欲縛牙木蘭與之易哈密事聞
兵部尚書胡世寧曰曲先衛本中國羈縻牙木蘭及正
歸順非納叛比而哈密空城懸遠無益事實土魯番善
賈多巧術往往以珍奇啗時貴自成化至于今中國為
彼欺今欲甘心牙木蘭以携二我屬夷而以哈密為

餌釣大利宜勅王瓊為忠國謀先盡復瓜沙羽翼之地
悉收亡失屬夷封植哈密未為不侵不叛之臣而後請
勅降叩庶不奪王命且土魯番方恫惴中國懸衡諸夷
但遠越流沙烏合難久我大震威畧以離其黨購賞義
附使相破滅此伐交之術正宜厚牙木蘭以風蠻夷遂
番不遣世寧因薦馬昊施儒楊必進陳九疇皆可將語
頗侵內閣張孚敬又張與桂萼必欲論九疇死並罪廷
和世寧力爭九疇忠勇再保全河西得不殺謫戍邊澤
及獻民閑住世寧不安其位遂乞歸以李承勛代之已
丑洮岷番賊入臨鞏等處攻劫寨堡敵傷官軍捨殺
人畜時巡按御史胡明善以聞承勛請于上曰西番土

地因被西虜虜酋亦十剽侵占日益內徙將來番胡交通愈四猖獗何以善後昔漢趙充國不戰而服羌段熲殺羌百萬為費以億計內地虛耗是知用勇將者雖可取快目前任老成者必能獲萬全之策伏望廣宣帝之明專充國之任制馭西番事宜悉令總制尚書王瓊從長區處詔從之瓊乃會鎮巡官議曰番夷反形大着然非臨以大兵則懷疑觀望者撫之未必即從不即搗其巢穴則怙終不悛者兵退必又復出乃先遣遊擊將軍彭斌以兵設伏鎮守都督劉文統兵會洮岷官軍及民夫五千餘分布要衝是年二月二十日兵次于洮岷遂分遣撫夷指揮宋武等深入曉諭各族於是洮岷東路

木舍寺三十一族西路谷祿失等一十三族岷州西溝等一十五族皆受諭畏服仍給以白旗量加犒賞惟東路若龍族西路板尔等一十一族岷州刺郎等五族恃險不聽三月進兵直抵其巢斬首一百二十三級又兵至著洛寺大墻垣等十族又斬首二百二十九級其聽諭者撫之捷聞朝廷賜勅勞瓊賞銀五十兩紵絲四表裡先日死土魯番遣使貢獅子因乞歸哈密通貢瓊遂奏土魯番歸我哈密乞令失拜煙谷子米兒馬黑木守哈密且放歸羈留各番貢使是時獨胡世寧欲專守河西謝哈密無煩憊中國霍韜上議必欲復哈密廷臣右之竟如瓊言鄭端簡曰是時瓊言滿速兒歸我哈密奉約

東朝貢然哈密竟為土魯番所屢安插諸衛夷落皆為
土魯番所逐失其故土住牧西河塞上北虜盤窟西海
瓦刺結巢北山河西三面皆有寇盜矣 嘉靖十一年
速檀滿刺兒虎力妨翁同天方諸國入貢詞頗驕慢多
所挾求又佯許以哈密城歸先是胡世寧建議忠順王
速檀并牙郎已歸土魯番雖還哈密亦其屬夷其他裔
族無可立者回回米兒馬黑木之族以其同種類亦畏
兀兒哈刺灰二族入居已久欲驅之出城不可也然則
哈密將安興復哉縱使今日有忠順王嫡派應立之人
朝廷與之金帛助之兵糧誰與為守不過一二年復為
所擄奪也不知閉嘉峪關置哈密不問不必再奪王命

究詰城印以中彼索求之計如彼不肆侵擾則許其通
貢或復為寇閉絕之庶不以哈密故疾吾中國之命
也至是尚書桂萼申議以為忘事功者主于興復憫民
命者頗事棄絕此皆不通時勢而膠於一偏之見也遂
條陳土魯番夷情凡十二款末言哈密番之地必欲興復
其勢有互不可又言勢雖不可興復亦不可廢棄一則
祖宗所立之疆土不當棄一則指以恢復為名以羈縻
夷心彼以為漢人必不捨此地常以為奇貨誘我如弃
而不講彼以為我不以哈密為輕重必啓其復謀肅州
之心人為不可故哈密之地不可恢復而亦不可弃也
又條甘肅邊事數款上之制曰可遂不用兵哈密是時

來降人哈六刺言番酋欲以哈密城與都督米兒馬黑
木毋管理兵部遂請于上許其通貢者為令以三年或
五年為期夷使雖多入京許十二人餘番塞蓋自是哈
密入土魯番擾矣嘗觀西番事蹟云本朝互市茶馬羈
縻得法雖未大四而時入侵擾居人苦之 正德初比
虜徙居西海蠶食諸番漸有并吞之勢識者恐其勾連
深入如前代吐蕃吐渾谷之事誠可慮矣 嘉靖己丑
西番數至鞏昌寇掠敵殺官軍焚燒廬舍隴右之民深
被荼毒荷蒙廟謀撫勦並用破若龍板爾二族撫定木
舍等已十族正如趙克國伐先零而收罕于古今一道
也或曰虜在西海既可慮矣可無備乎曰惟視虜勢之

強弱何如耳弱則不必備強雖備之而為計甚難前代
固有屯兵青海以斷羗虜連和內侵者矣而徵輸調發
大困民力不可為法也○正德十年謀臣不考故實議
調朔方勁兵逐勦之虜避走松潘旋歸故巢費以萬餘
計竟無成功此可以為戒也為今之計惟於洮岷河蘭
之地繕城堡遠斥堠廣儲蓄令諸守帥嚴謹備禦伺海
賊強盛連河西番有內侵之憂則請誦總鎮發精兵駐
臨洮鞏昌古天要害之地以拒之斯為良策矣○論曰
周初通道始貢厥燧光武閉關而謝之誠按其地不可
農其人不可役第不履吾疆場之吏則得計矣馬鈞陽
亦老矣哉後來兵之則鼠竄招之則增幣迭選一二智

謀大臣相繼而往勾當而還○嘉靖中霍渭厓力謂哈密當復條其可虞者三且曰保哈密所以保甘肅保甘肅所以保陝西也吁胡端敏之議不可易也得老將如趙克國而守任之且久斯其人歟

亦力把力

地在沙洲西去肅州西北二千七百餘里居沙漠間或曰焉耆或曰古龜茲國元時名別失八里封馬哈木于此○洪武辛未國王黑的兒火者遣人貢馬 永樂丙戌王沙迷查下遣人貢玉璞十六年頭自速哥克刺滿刺來朝言歪思弒其從兄王納黑失只罕自立為王徙其國西去遂更國號亦力把力云其俗逐水草以居食

肉酪席地而坐其產銅鐵鉛雌黃胡粉馬羴牛孔雀氍毹駝葡萄刺密阿魏白氍布硃砂

火州

地在嘉峪關外哈密之西自東南至肅州一月程即漢車師前後王地唐交河郡縣也後為回鶻所據入國朝稱火州以其山色如火也○永樂己丑冬十月遣人入貢十二年吏部員外郎陳誠至其國歸言風物蕭條市里居民僧堂過半亦皆零落東有荒城故址云古高昌國漢西域長史戊巳校尉並居焉○宣德五年火州王哈散土魯番萬戶賽因帖木兒柳陳城萬戶瓦赤刺俱遣人貢馬及玉璞白後入貢不絕其俗多匈奴烏孫事

神信佛貴食馬好騎射其產馬橐駝胡狻猊葡萄蚕砂鼠
硃砂胡桐律刺密盞白氎布鎮鐵陰牙角速霍角阿魏

哈烈國

地在肅州之西相去一萬一千餘里即漢之大宛也元

駙馬帖木兒之子沙哈魯居之國人稱為速魯檀猶華

言君王也○洪武壬申遣使詔諭酋長賜金綺○永樂

七年頭目麼賚等朝貢○正統二年指揮哈兵等貢馬

玉石鄭端簡云西域城郭諸國哈烈最鹹阻然有亨舍
聚生徒講習諸經義省刑罰薄賦敏寡爭訟如施

予務農桑諸
回又不及也

撒馬兒罕

地在亦力把力之西漢之屬賓也東去嘉峪關九千九

百里土田膏腴宜五穀饒衍甲諸國人物秀美多藝能

東有養夷其地惟戊卒數百人處孤
城頗垣破屋肖然草莽沙鹿海牙地在撒
馬兒罕

東五百里據小岡立城
人繁庶依崖谷而居賽藍其地去撒馬兒罕千里
五谷繁殖草木長茂達

失干地宜五谷人稠密質朴西有渴石地在撒馬兒罕
西南二百六十

里規模宏麗故酋
駙馬帖木兒居之迭里迷在撒馬兒罕西南諸城皆隸焉

洪武丁卯國王帖木兒遣回回滿刺哈非思等貢駝馬詔

厚賜已巳又貢馬辛未貢海青馬賜敕賚予之甲戌帖

木兒遣使迭力必失 上表貢馬二百疋乙亥 上遣

兵科給事中傅安郭驥等使西域遂番其國已而帖木

兒卒孫哈里嗣 未樂五年哈里令虎交達送安等還

且貢方物詔厚賜 正統十二年貢馬及玉石十四年

又貢成化十九年阿黑麻王貢二獅子 上命遣中官
迎之弘治三年由海道貢獅子禮官倪岳言南海非西
域貢道請却之自後貢皆從嘉峪關入嘉靖中其國稱
王者五十三人皆遣人朝貢

答兒密

在海中地不百里人不滿千家服屬撒馬兒罕未樂遣
使十八人來朝貢方物賜大統曆文綺藥茶

閩桂文襄廣輿畱西北夷有小國曰哈三曰哈撒兒沙
的蠻曰哈失哈兒曰哈的蘭曰賽蘭曰掃蘭曰亦力把
力曰也克力曰把丹砂曰把力黑曰俺力麻曰脫忽麻
曰察力失曰昔失曰卜哈刺曰怕刺曰失刺思曰你沙

兀兒曰克失迷兒曰帖必力思曰果撒思曰火壇曰火
占曰苦先曰沙六曰海牙曰牙昔曰牙兒干曰戎曰兀
倫曰阿迷曰邪思城曰坤城曰捨墨曰擺音曰克亂曰
元方曰日落謂諸國皆經哈密入貢或三年五年無恒
期後哈密殘破多徑呼嘉峪關然亦未數至也夏言亦
云如日落諸國名甚多朝貢絕少竊觀武王始通道于
西漸漸諸小夷皆得聞我聲教然貢使亦頻數矣此召
公旅獒之訓為萬世慮至遠也

西南

淳泥

本開婆侖國也統十有四州其俗尚奮頗愛數中國人

其產片腦檀香象牙吉貝布玳瑁鶴頂巴尾樹貝多葉
加蒙樹柳子檳榔紙○洪武庚戌遣監察御史張敬之
往諭其國辛亥國王馬謨沙遣其臣亦思麻逸奉金
銀箋來朝百六○未樂乙酉詔封其國王麻邪惹加那乃
為國王賜印符誥幣六年戊子秋八月王率妃及子弟
妹陪臣等凡百五十餘人來朝貢珍物賜宴王奉天門
是年冬十日乙亥朔王卒于會同館賜謚恭順塋于安
德門外石子崗為樹碑立祠有司春秋祀子遜旺甫四
歲嗣爵賜王帶金銀綺幣器皿遣使送之國十二年

洪熙元年皆來朝貢

蘇門答刺

即古蘇文達那也為西洋要會東南大山西北距海自
滿刺加順風九晝夜可至其俗頗淳其產鶴頂錫斗蘇
木胡椒闊布大茄○洪武中國王遣使奉金葉表入貢
未樂乙酉國王鎖丹罕難阿必鎮遣阿里來朝貢詔封蘇
答刺國王賜印誥金幣五年又遣使來貢已而王與花
面王戰敗中矢死子弱不能復讐其妻發憤令于國曰
能復此讐者我以為夫與共國事有漁翁聞之率眾敗
殺花面王其妻遂從漁翁七年王來朝詔厚賜之十年
其國故王假子率部衆殺魚翁王王子蘇幹利奔峭山
遣使來訴十一年命太監鄭和率兵往捕誅之十三年
歸獻闡下國乃寧漁翁王子貢方物甚夥宣德六年貢

馬賜綵段二十表裡紗羅各四疋絹十三疋妃紵絲五疋紗羅各四疋絹六疋十年封其子嗣王自後朝貢絕

古麻刺

地在東南海中前代無考 永樂中國王哇來頃本率其臣入朝至福州卒賜謚康靖勅葬閩縣有司歲時祭古里

地最大與僧伽密迹西洋諸番之會也去中國十萬里西瀕海南距柯枝其產沉香木香西洋布五色布白鳩胡椒馬五色鴉鵲石 永樂元年國王馬那必加刺滿遣馬戍朝貢馬三年又遣使朝貢詔封為占里國王給印誥五年命太監鄭和賜王誥幣陞賞其將領有差地

頗宜穀麥人淳厚行讓路道有喜事浮屠又柯枝國與錫蘭山相峙去古里有三十程其國王瑣里人也尚浮屠建寺範金為佛每旦鳴鐘鼓汲泉灌佛頂數回已乃禮之 永樂二年王可亦里遣完者答兒來朝貢十年復遣使請封其國之山詔封為鎮國山製製碑文賜之又有小葛蘭國與柯枝接壤亦西番諸國馬頭也俗尚浮屠少物產歲藉榜葛刺國米為食是時鄭和亦至其國王瑣里人遂遣使入貢

錫蘭山

地在大海中多山而翠藍獨高挿天其海邊一盤石有上印足跡長三丈許四季水不乾相傳為先世釋迦從

翠藍嶼來登此山足躡其迹云下有寺稱為釋迦佛涅槃真身倒卧在寺亦有舍利子在其寢處俗氣候常暑地豐米穀產寶石水晶末樂巴丑遣中官鄭和奉物齎金銀供器及綵粧織金寶幡布施十寺及建石碑賞賜國王頭目等始其國王亞烈若柰兒鎖里人負固不服謀害舟師和以兵擊破之俘其王辛卯獻闕下尋宥之遣王國壬辰討耶巴乃那為王自是西夷畏服正統十年遣其臣耶把刺謨的里啞等來朝貢珠寶石宣德八年遣使朝貢賜王紵絲十八疋紗四疋王妃紵絲八疋紗四疋及其使臣等各有差天順三年國王葛力生夏刺昔利把交刺惹復遣使朝貢今金陵靜海寺藏有佛

寶來自西方每歲時出獻佛堂上祝豈亦其和之所

瑣里

西海中小國也產撒哈刺紅八者藍布覬木里布白苾布 洪武壬子國卜納的遣其臣撒馬牙茶嘉兒幹的亦刺卅八兒奉金字表朝貢遂圖其土地山川獻賜大統曆金幣末樂元年復遣人朝貢又有西洋瑣里國視瑣里差大洪武庚戌遣使以金葉文貢方物

太祖嘉其涉海道甚遠慕義賜賚甚厚末樂元年復遣人朝貢 成祖曰海外遠夷附載番貨勿征二十一年西洋十六國遣使千二百人貢方物西洋瑣里百獨豐以美

蘇祿

地在東南海中其俗少粒食食魚蝦螺蛤短髮纏皂縵
煮海為鹽釀蔗為酒織竹布為茶氣候常暑其產竹布
玳瑁珍珠末樂丁酉國東王巴都葛叭答刺西王巴都
葛叭蘇哩峒王叭都葛巴刺卜各率其妻子頭目來朝
貢玳瑁珠玳瑁諸物賜王冠服玉金帶蟒龍金銀錢鈔錦
幣器皿及妃子女姻戚頭目賜物各有差三王東王為
尊歸至德州卒命有司營葬為樹碑封其長子都麻合
為蘇祿東王十九年遣使來貢

彭亨

地在東南海島中暹羅迤西也俗尚惟常刻木香為人
殺人血祭禱祈福禳火喜供佛其產片腦沉香花錫柳

下 洪武十一年遣使表貢番奴及方物 未樂十二
年遣蘇麻因門的里等來朝貢夫魘魅之術豈彼殺人
血祭之流毒歟遠夷之風而何中國之愚民惑之也惜哉

牒幹

地在潘山之傍潘山濱海在西海中其潘大者曰八沙
潘曰官嶼潘曰人不知潘曰起來潘曰麻里溪潘曰加
平年潘曰加安都里潘餘小潘無慮三千土人曰此弱
水三千也舟行遇風失入潘即溺未樂中國王亦刺福
遣使來朝貢

花面

地與蘇門答刺接境花面者男子皆以墨刺面為花獸

狀故名俗淳厚強不奪弱上下自耕而食富不驕貧不
盜稱善地焉田足稻禾他產亦盛美國初有使臣以海
舡駐孔蘇門答刺遣人往其山採黃硫酋長感德遂入
貢夫許行倡並耕之說今觀彼國上下皆自力豈亦有
此風歟然非中國之通義也

百花

在海中依山為國俗饒富尚釋教產紅候龜筒玳瑁孔
雀倒掛胡椒 洪武戊午國王刺丁刺者望沙亦遣八
智亞壇等奉金葉表來朝貢

阿魯

一名啞魯在西南海中與九州山相望末樂丁亥國王

速魯唐忽先遣滿刺哈三附古俚諸國朝貢 朝廷遣
中官至其國賜以紵絲紗羅共十疋又九州山與滿刺
加鄰其山產沉香黃熟香末樂七年鄭和奉表往諭諸
番遣官兵入山採香時得徑八九尺長六七丈者六株
香味清遠黑花細紋其山人駭然皆嘆天朝之兵威力
若神云

婆羅

負山面海人多唸佛素食惡殺喜施產珍珠玳瑁瑪瑙
車渠末樂四年東西王各遣其勿黎哥等來朝貢珍珠
玳瑁瑪瑙車渠等賜王紵絲紗羅共十六疋織金大紅
錦手中一副王妃紵絲紗羅共八疋及其使人等各

有差

阿哇

未樂中國王昌刺遣人入貢

阿冊

地瀕海近古俚也壘石為城砌羅股石為屋田肥收粟
麥民以富饒其他產亦多有馬步勝兵七八千鄰國畏
之未樂九年詔中使鄭和賜命互市

忽魯謨斯

地在西南海中亦石城石屋民富饒產大馬西洋布獅
子駝鷄福祿靈羊長角馬哈獸喜作佛事常歌舞忘殺
未樂三年國王遣馬刺足等來朝貢

但法兒

會曲又載有左法兒國鄭端簡以祖
法兒一名左法兒為二國是也

地在海西北重山地色多黃赤與阿冊同風俗頗淳女
人出則以布兜頭面不令人見產西馬鶴頂駝雞福祿
片腦沉香乳香未樂中王亞里遣人來朝貢宣德中又
朝貢
甘巴里

地在南海中大島上未樂甲午國王兜哇刺查遣得名
公葛葛來朝貢

加異勒

西戎一小種也居人不及千家貧窶常備鄰國未樂中
國王麻里柰那遣使別里呆不來朝貢宣德中亦遣使
朝貢

麻林

未詳
所在

未樂十三年遣人獻麒麟詔厚賜之

白葛達

海中一小國也土瘠俗尚佛宣德壬子國王遣其臣和者里一思等入貢

淡巴

地在西南海中君臣頗有威儀畜產城屋亦備市有交易野魚寇盜稱樂土云洪武十年遣人來朝貢賜王織金綵段紗羅及其使臣等有差

亦思把罕甘

地在西南海中最大物產豐俗朴厚尚佛畏刑喜施惡奪亦有中國人寓焉未樂中遣使四十人來朝貢

黑葛達

地小民貧俗尚佛畏刑宣德中國王遣使十八人來朝貢

忽魯毋恩

地在東南海中或曰在江西徼外國小土瘠產檀香速香胡椒未樂三年國王遣其臣已郎丁等入朝貢

日羅夏治

西海中一小國也俗崇佛教產胡椒蘇木未樂三年國王遣其臣文那打時鎮等來朝貢

打回

海外一小國也產蘇木胡椒未樂三年遣使麻勿

等朝貢

碟里

地在西南海中大洲上有諸港可通海產蘇木烏木人

淳少訟尚佛未樂三年國王遣使馬黑木等來朝

呂宋

海中一小國也產黃金以故人多富厚且頗質朴不喜爭訟未樂三年國王遣隔察老來朝貢

古里班卒

地在海中土瘠穀少物產甚薄未樂三年國王遣人馬的等來朝貢又有木骨都束國瀕海堆石為城壘石為屋物產最多連境有卜刺哇國有竹步國其酋長俱入貢又有刺撒國自古里國舟行順風二十晝夜可至城屋俱以石俗淳厚喪葬有禮有事禱于鬼神其酋長亦入貢

覽那

地去西域遠甚洪武九年遣人來朝貢未樂宣德中嘗附鄰國貢方物夫國家德威之加乎西戎亦極矣

東北

女直

自混同江至京師三千五百里至南京四千六百里

古慎肅氏地也在開原北混同江之東東瀕海西接兀良哈南鄰朝鮮北至奴兒干元設萬戶府及達達等路領混同江南北水達達及女直人其俗勇悍嗜殺食生肉飲麋酒逐水草為居以射獵為業其產楛矢石弩重樓金綿赤玉玳珠金麻布鹽阿膠馬野猪野牛野驢黃狍羆皮羆皮狐狸皮海豹皮海驢皮海獺皮海猪皮海牛皮海狗皮失刺係即各鹿好刺即各鹿殊角魴鬚貂鼠皮

青鼠皮鯨睛脰膾海東青鷹鵝鴉兔鵲鱒魚牛
魚五味子粟麥稌葵菜 洪武初遣人招諭 成祖又
遣將領舟師至江上召集諸酋豪餌以官賞於是東旺
佟答哈刺王肇州瑣勝哥四酋率衆降始設奴兒干都
司一以四酋為都督都指揮賜救印小酋為指揮千百
戶鎮撫等仍其俗各統落之令三歲一朝貢遂置建州
毛憐必里兀者虎兒文等衛所一百八十四兀者托溫
等所二十速溫河等地面五十八設別里直等站凡七
又置馬市于開原城給賞鹽米布以羈縻之俾保塞不
為寇當是時意在撫綏顧建州毛憐本渤海氏遺孽頗
有華風若熟女直完顏遺種之在海西與生女直居黑

龍江者不相降日事讐殺諸夷皆善射馳獵好盜又左
右二衛最無賴江夷以此有阿哈麥得悍狡自相雄長
大抵東北諸夷建州處要害居中與諸夷勢聯絡相犄
角五嶺喜昌石門險隘入騎不得成列入視咽喉歲久
虜始生心正統末遂附也先寇遼東西景泰諸酋多死
也先之亂失去賜勅以故子孫不得請官遂以舍人入
貢賞宴亦減虜始怨忿思叛成化丙戌酋董山糾衆入
寇詔武靖伯趙輔為總兵官都督王瑛封忠副之左都
御史李秉監軍率兵五萬討之山降械京放歸廣寧丁
亥秋九月進兵直抵虎城會勦時朝鮮亦遣中樞府知
事康純魚有沼南怡等以兵萬人過彼東走我兵進博

皇明化類編 卷之百一
賊巢遂擒斬俘獲虜指揮若女等千人其指揮張額的里率妻子乞降木幾諸夷憤欲報山讐相約入寇庚寅冬巡撫都御史彭誼以兵出遼陽塞命都指揮崔勝擊之虜大敗奪其馬疋器械輜重衆遁去戊戌誼致仕陳鉞巡撫遼東時中官汪直用事邀功外夷鉞媚直會虜入塞殺掠人畜鉞欲誘殺進貢夷人以掩已過由是夷人大譁其酋刺達等大舉寇遼明年遣兵部侍郎馬文升撫定黑鎖忒諸酋虜亦尋解散正德癸酉海西加哈又叛嘉靖乙巳巡撫於教以減賞物夷人大恨數入塞殺掠大慘已而胡示明代教不能禦降浙江叅議以李珏代巡撫戊申虜地兀良哈諸女直寇遼東珏又論罷

遼東西大困昔稱異類不可化一訓懷服蓋如此然則招諭而使之內附又可不時加整一備以待其來乎

東南

琉球

在東海中稍淡南有大琉球小琉球對閩越福泉之地其俗去髭黥手羽冠毛衣殺人祭神無禮節好剽掠其產闌饑樹硫黃胡椒熊羆豺狼自福建梅花所開洋順颺利舶七日可至其國自古不聞中朝隋遣海師何蠻羽騎尉朱寬訪得虜其男女五千人元遣人招諭不從國王姓向氏後分為三曰中山王曰山南王曰山北王洪武初三王遣使朝貢壬子行人楊載使日本歸道琉球

遂招之三願內附是年秋七月遣使貢方物且請封爵
詔賜中山王察度山南王承宗鍍金銀印時三王爭雄
相攻遂賜詔諭之并諭山北王怕死芝癸亥賜山北印
文綺王妃姪相寨官各有差壬申中山王遣子姪及其
陪臣子弟入國學 上喜禮遇獨優賜閩人三十六姓
善操舟者令往來朝貢自是三王嗣封皆請于朝每二
年朝貢一次每船一百人多不過百五十人即福建南
臺外置番使館彼使至館殺遞入京未樂甲申察度卒
詔封其世子武寧嗣王已而承宗卒乏嗣弟汪應祖攝
國事詔賜應冠服嗣山南王景泰元年中山王尚思遠
遣人朝貢未幾山南山北為中山所并遂令三年一貢

貢無百五十人察度互傳至尚圖嗣王卒子尚真嗣王
嘉靖十一年國王尚真卒朝廷遣左給事中陳侃行人高
澄以太宰祀真封其子尚請嗣王是時清告于侃等曰
天朝詔勅藏金匱者八葉于茲乞番詔勅為鎮國之寶
許之已而遣其王親寧吉長史蔡瀚來表謝又請云琉
球言大明一統志中載琉球有落添王居壁下聚髑髏
非實事杜氏通典集事洲海羸虫錄星槎勝覽所述亦
傳者妄也乞下史館從之按琉球既遣人學於國學夷
習稍變奉正朔設官取被服冠裳陳奏章表著作篇什
有華風焉以土官為武取其大夫長史通事官司朝貢
定員為文取皆三十六姓人及學于國學者為之歲元

日聖節長至君臣冠服拜龍亭祝慶吁自非我
國家聲教所訖安能有此孟云用夏變夷并虛語也

外國入貢文移議

嘉靖癸巳朝鮮國王李懌遣使朝貢其文移鴻臚寺徑
與矣聞時禮部尚書夏言奏云該國原咨正係送本部
文字不當進呈發科且所有馬疋方物本部照驗方與
奏進正以見遠方下國不敢自達於天子其尊上之禮
有宜然者今該國使臣擅將咨混送鴻臚寺混與封進
不惟與咨文不合殊失等威乞今省該國自後進貢使
臣合遵照咨文內事理先從本部投進以俟驗收明白
轉與奏進庶文移之式不紊而尊卑之体自嚴其鴻臚

寺承襲外謬一体改正遵行朝廷從之甲午朝鮮復遣
使臣蘇洗讓等入朝鴻臚寺卿王道中又言朝鮮國咨
文舊例俱由本寺進呈 御前發下該科抄行禮部其
原來咨文仍繳送內府收照自洪武末樂年間至今一
百七十餘年遵守無失左順門收本簿可查况我
朝凡遇外國番文雖片帛隻字必須直至

御前祖宗立法防微慎始之意至深且遠臣等豈敢擅為
變更今次夷使蘇洗讓等齎捧咨文乞仍照累朝舊規
疏入下禮部議夏言復云左順門收本文簿不過記載
出入文書數目原非國家典章所在豈足為據至稱外
國番文雖片帛隻字必須直至御前為

祖宗防微慎始之意尤為無謂且朝鮮雖是外夷素知禮
義其書與中國同文况行移本部咨文止是開載貢物
及咨請照驗奏聞辭甚明白既非番文之比事非私隱
又無可防之迹本部具咨上聞事正言順不知王道中
等所謂慎始防微於義何居况查得該國每次進賀例
有咨行該國文書邊官亦止是據其咨文轉與奏進原
移咨文未嘗必由該寺封進未嘗必繳送內府收照又
朝鮮與琉球兩國事体相同琉球每次進貢所移咨文
例投本部即如該寺所言則 祖宗立法何得獨防本
部而不防邊官獨防朝鮮而不防琉球耶今該國咨文
明開右咨禮部及至禮部開拆字樣原非直達御前文

字而承襲差謬相應釐正議入內批云照前旨行遂為
令

保寧性
孝青家
藏書

皇明成化...

...

全

...



